



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამილახვარი ივანე გივის ძე

ამილახვარი ივანე გივის ძე (26. I. 1829, სოფ. ქვემო ჭალა, კასპის მუნიციპალიტეტი, – 29. VIII. 1905, თბილისი), რუსეთის არმიის კავალერიის გენერალი (1896).

1850-იდან ჩრდ. კავკასიაში ნიჟეგოროდის დრაგუნთა პოლკში მსახურობდა. 1853-იდან შამილის წინააღმდეგ იბრძოდა. ყირიმის ომის (1853–56) დროს კავკ. ფრონტზე ოსმალეთის წინააღმდეგ მონაწილეობდა სოფ. ბაიანდურის, ბაშკადიკლარის და ყარსის ბრძოლებში. 1873 მიიღო გენ.-მაიორის წოდება.

ა-მა განსაკუთრებით გამოიჩინა თავი რუს.-ოსმ. ომში (1877–78). 1883 მიიღო გენ.-ლეიტენანტის წოდება, ხოლო 1901 – გენ.-ადიუტანტის საპატიო წოდება. 1893–97 იყო კავკ. საარმიო კორპუსის მეთაური. გამოქვეყნებული აქვს დღიურები და მოგონებები (ჟურნ. „Кавказский сборник“, 1908–09, т. 26–29. ავტორიზებული თარგმანი ქართულიდან), რეზიუმე შეიცავს საინტერესო ცნობებს ეპოქისა და იმ ბრძოლების შესახებ, რ-ებშიც ა-ს მიუღია მონაწილეობა. მასში უხვადაა საგულისხმო მასალა ა-ის თანამებრძოლების – გრიგოლ, ბაქარია, ილია ორბელიანების, კ. მამაცაშვილის, მალაქია გურიელისა და სხვათა, აგრეთვე შამილის შესახებ.

დაჯილდოებულია ოქროს ხმლით „მამაცობისათვის“ და მრავალი საბრძოლო ორდენითა და მედლით.

რ. მაგრაქველიძე
